

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Margaretha Grosser: Paasken in mien Baidenstied

urn:nbn:de:gbv:45:1-5285

Margaretha Grosser

Paasken in mien Baidenstied

As iek noch leeuwde, dät die Osterhoase do Oaiere in do Nääste brangt, waas iek him älke Jier dul. Wie hieden dän Loangbeen daach juusun flugget Nääst moaked as do uur Baidene in uus Noaberskup. Do kreegen oaber froaie bunte Oaiere, do me uk fluks iete kude. Uusen wieren oaber räi un lieten so, as do Hannen se lääse, wiet of brun.

Paasken sood uus Määme uus wäil älk een Oai, man dan waas dät uk dän. Fon Oaiere-Ieten kricht me Seere, hiet dät altied.

Paasken-Sundai, ättermiddegas, ronnen wie ätter do Ljude, do wie dän Sundai deerfoar en Poolmstok broacht hieden. Wie wisden seküür, in wäkket Huus wie uk wäil bunte Oaiere kreegen. Wät wieren wie deeruur bliede!

Toulääst geen iek mäd min littje Bruur Hubert in't Täärp ätter uus Faddere. Bie Oom Bertus un Möie Thea moaste Hubert do Oaiere buute säike. Die Osterhoase hiede do inne Tuun ferstopped. Wät waas dät foar'n Bliedskup! Dan kreegen wie deer Tee mäd tjukken Kluntje un Kouke. Uure lesk geen dät dan fääre anne Moorgutsdom. Oom Fritz un Möie Marie täiwden ap uus. Deer roate dät uk bunte Oaiere, oaber uk noch räie deertou. Insen sunt wie uure Iesenboanbrääch tourächronnen wier ap Hollnerfoan tou. Iek hiede so fuul Nood, uur dät Woater tou loopen. Deeruum kroopen wie uur do Ploanken. Uus Hubert hiede do fonsäärm Rүүroaiere in sien Buksentaaske.

Wät foar'n Glärderäi!

Do bunte Oaiere, do wie bie Ljude kriegen hieden, hääbe wie Paasken aal mädnunner apieten un dan mäd so fuul Nood ap do Seere täiwd, man wie hääbe neen deerfon kriegen.

Margaretha Grosser

Ostern in meiner Kinderzeit

Als ich noch glaubte, daß der Osterhase die Eier in die Nester bringt, war ich ihm jedes Jahr böse. Wir hatten dem Langbein doch genau so ein schönes Nest gemacht wie die Kinder in unserer Nachbarschaft. Die bekamen aber schöne, bunte Eier, die man auch gleich essen konnte. Unsere waren aber roh und sahen so aus, wie die Hühner sie legen, weiß oder braun. Ostern kochte unsere Mutter jedem von uns wohl ein Ei, aber dann war es auch aus damit. Vom Eier-Essen bekommt man Geschwüre, hieß es immer. Oster-Sonntag, nachmittags, liefen wir zu den Leuten, denen wir am Sonntag davor einen Palmstock gebracht hatten. Wir wußten genau, in welchem Hause wir auch wohl bunte Eier bekamen. Wie froh waren wir darüber!

Zuletzt ging ich mit meinem kleinen Bruder Hubert ins Dorf zu unseren Taufpaten. Beim Onkel Bertus und bei der Tante Thea mußte Hubert die Eier draußen suchen. Der Osterhase hatte die im Garten versteckt. Was war das für eine Freude! Dann bekamen wir Tee mit dickem Kandis und Kuchen. Übern Esch ging es dann weiter zum Moorgutsweg. Onkel Fritz und Tante Maria warteten auf uns. Dort gab es auch bunte Eier, aber auch noch rohe dazu. Einmal sind wir über die Eisenbahnbrücke zurückgelaufen nach Holle-nermoor. Ich hatte große Angst, über das Wasser zu laufen. Deswegen krochen wir über die Planken. Unser Hubert hatte dann selbstverständlich Rühreier in seiner Hosentasche.

Was für eine Schmiererei!

Die bunten Eier, die wir bei den Leuten bekommen hatten, haben wir Ostern alle miteinander aufgegessen und dann mit so großer Angst auf die Geschwüre gewartet, aber, wir haben keine davon bekommen.

Margaretha Grosser

Dät froaie Foarjier 1945

Iek kon mie nit besinne, dät wie noch insen moal wier sun froaiet Foarjier häiwed hääbe as 1945. Ädder foate dät al oun. Ju Natuur waas al so woarm, boalde as inne Suumer. Ju Sunne meende dät gjucht goud mäd uus. Smäidens ädder waas dät oafter gjucht dookich. Wan do Stroalen fonne Sunne dän Dook oaber ferjoaged hieden, kreegen wie en blauen Heemel tou sjoon mäd flugge wiete Wolken.

Die Kriech schuul tou ju Tied boalde tou Eende gunge, man noch waas dät nit so fier. Wie hieden deerfon in uus goadferlätte Gägend noch nit altou fuul meekriegen. Of un tou moal sun Tiefflieger, dät waas't dan uk aal. Suldoaten hieden wie nit aan eenstigen bit nu tou sjoon kriegen. Oaber, insen, smäidens ädder, koomen Woaine, mäd Tarnnätte deeruur, bie uus dän Dom uumehooch un heelten bie Böhmann's Liesken stil. Unner Onnol's Dannen studen nu do Woaine gans fain ferstopped.

Mon, dät waas wät foar uus Bäidene. Do Suldoaten wieren so nett tou uus. Ättermiddeeges kreegen wie Knäckebrood, dät koanden wie do goar nit. Schjoote dieden düsse Suldoaten goar nit. Dät wieren gans lustige, junge Käärdele. Aan siet jääden inne Boom un keek mäd sin Wietkieker ätter Lissi, ju inne Boadeansuch appe Dääke liech un sik sunde. Telefonierd wude aal egoalwääch. Iek weet noch, dät aan Suldoat altied fräigede: „Herr Buschmann, darf ich trennen?“ Deerätter kwaad hie dan: „Ich trenne“.

Iek hääbe do toacht, wan daach die Suldoat jädden trenne wol, dan shäl hie daach ätter mien Mäame tou gunge, ju hääd so fuul tou trennen. Uut oolde Panduren moaste ju nu näie Seeken moakje. Ofwäil düsse Suldoat kweeden hiede: „Ich trenne“, fäng hie oaber goar nit deermäd oun. Hie liech einfach dän Heerder ap, oaber oolde Kloodere trende hie nit utnunner. Dät hääbe iek domoals nit fersteen.

Bloot en poor Deege sunt do Suldoaten bie uus weesen. So stilken as jo keemen wieren, so sunt jo uk wier ouleeken. Dät mout wäil so Midde April weesen weese. Eende April waas dät Weeder altied noch so fluch. Uus Sunne scheen älke Dai woarm fonne Heemel.
